

BASES DEL XVII CONCURSU INTERNACIONAL DE FOTOGRAFÍA "LA SIDRA" (ASTURIANU)

1. Van poder participar toles persones (profesionales o aficionaes) que unvien semeyes dientro del plazu establecíu y nos formatos solicitaos.

El fechu participar implica que la persona concursante afirma ser autora de les semeyes y tener plenu drechu p' autorizar la so esposición y espublización en catálogos, trípticos, cartelos y otros materiales rellacionaos cola difusión del concursu, cediendo esti drechu a la organización y a los sos organismos superiores (CEF), que van tar obligaos a mentar siempre al autor y l'entítulu de la obra. Los entamaores y entidaes collaboradores nun van tener responsabilidad polos drechos d'imaxe de terceros.

Esti concursu tien el reconocimientu de la CEF y puntúa pa los entítulos d'Artista, Excelencia y Mayestru de la CEF. El concursante autoriza al entamaor y a la CEF a tratar los sos datos personales esclusivamente pa la divulgación artística de les sos obres y la espublización de méritos y premios.

Entamaores y participantes acéptense a la normativa de la CEF y a les presentes bases. Cualisquier casu non contempláu va ser resueltu pola organización, pudiendo consultar cola CEF. La so decisión ye inapelable.

Nun podrán participar los miembros de les Xuntes Direutives de les entidaes entamaores nin los sos familiares.

2. Les semeyes namás podrán ser presentaes polos sos autores.
3. Solo s'aceptarán semeyes rellacionaes cola sidre, la so cultura, les mazanes o los sos derivaos, según les característiques indicaes nestes bases.

Ca autor/a va poder presentar un másimu de 5 imáxes.

4. Acéptense tolos xéneros y procedimientos esencialmente fotográficos. Nun se van aceptar infografíes nin imáxes que nun seyan capturaes con dispositivos fotográficos (cámara o móvil). Van valorase les imáxes que representen el procesu d'elaboración y consumu de la sidre, dientru o fuera d'Asturies.
5. Les semeyes tienen d'unviase dientru del plazu del concursu (del 31 de mayu al 2 de setiembre de 2025). La inscripción ye gratuita.
6. Modalidá única: archivos dixitales (DIG). Formatu JPG, 8400 x 2800 px (horizontal o vertical), ensin marcu y con imaxe a sangre. Tamañu másimu: 8 MB.

Unviu al traviés de: <https://asemeyando.fotogenius.es/>

7. Les semeyes nun puen tener recibío premiu n'otros certames d'esti mesmu concursu nin ser finalistes con puntuación CEF.

8. Un xuráu cualificáu designáu por Asemeyando y la Fundación Asturias XXI (con representante CEF) va escoyer les obres ganaores: premiu principal, dos accésit y la mención especial JR. Les obres fora de tema o formatu podrán ser refugaes. El fallu del xuráu ye definitivu.
9. Nun se permiten firmes, marcos nin testos sobro les imaxes.
10. Les 20 imaxes finalistes podrán formar parte de la esposición "Semeyes Sidreres" nel actu d'entrega premios, que podrá ser itinerante.
11. Premios:
 - Primer premiu: 700€ + medaya d'oru CEF
 - Primer accésit: 200€ + medaya de plata CEF
 - Segundu accésit: 100€ + medaya de bronce CEF
 - Mención especial "Sidra JR": 100€ + 2 caxes de sidre JR (a recoyer nel llagar)

Aplicarase la retención fiscal vixente. El 15% d'obres con más puntuación van recibir puntuación CEF.

12. Tolos finalistes van recibir diploma ya invitación al actu d'entrega.
13. Los resultaos van espublizase en LA SIDRA y nes redes d'Asemeyando.
- 14-15. Obres premiaes y seleccionaes podrán espublizase en LA SIDRA y otros materiales, siempres con respetu al autor y ensin fines llucrativos.
16. La participación implica l'aceptación d'estes bases.
17. Plazu d'almisión: del 31 de mayu al 2 de setiembre de 2025.
18. Premiaos de fuera d'España van recibir el premiu n'euros, descontando gastos de tresferencia y retenciones fiscales.

Drechos d'imaxe y autoría

Los autores responsabilícense d'obtener permisos de persones o llugares retrataos. La participación implica la cesión gratuita de drechos a Fundación Asturias XXI y collaboradores pa la difusión cultural. Les obres pueden ser editaes pa medios de comunicación, redes y material divulgativu. Nun s'obtendrá beneficiu comercial.

Los premiados podrán ser mentaos en medios y espublizaciones de la fundación.

Aceptación de les bases: La participación implica l'aceptación total de les presentes bases. La organización pue modificaes si fuera necesario, informando d'ello.

Proteición de datos: Siguiendo la LOPD 3/2018, infórmase que los datos van ser trataos pola Fundación Asturias XXI pa xestión del concursu, premios, y

difusión. El concursante garantiza que los datos unviaos son veraces y tien drechu a acceder, rectificar o cancelar la so información, escribiendo a infolasidra@gmail.com o a LA CALEYA'L RÍU 205 SANTURIO, 33394 XIXÓN, ASTURIES.